

《大乘理趣六波羅蜜多經》法要

罽賓國三藏般若奉詔譯 寂慧

布施波羅蜜多品第五

慈氏菩薩問佛：菩薩摩訶薩修習幾法，得名菩薩摩訶薩？

佛答：若有善男子善女人1·以清淨心歸依三寶2·發阿耨多羅三藐三菩提心3·不退轉，即名菩薩。生我法中，名摩訶薩。

慈氏菩薩問佛：應遠離何人，親近何人，以何人為伴侶，云何修行，速疾證得阿耨多羅三藐三菩提？

佛答：善男子善女人，應當導引五趣眾生，置於無上正等菩提，遠離外道邪法及惡知識。親近修行六波羅蜜大乘行者，而為伴侶。自身聽聞正法，精勤誦持，安住如是六種波羅蜜多，攝護六根，由此勢力，疾證無上正等菩提，是名菩薩摩訶薩。

布施於六度中，最易修習，是故先說，先作。一切有情，無有不能行布施者。

云何布施？

養育男女，然此眾生雖不能知福利之事，以憐愛故，令得色力壽命安樂，離飢渴苦。

見諸有情，貧窮所逼，不能發起無上信心，修行大乘，先施四事供養，然後令發無上正等覺心，修行大乘種種事業。以是義故，六度彼岸布施為門，猶如大地一切萬物依之生長。

菩薩摩訶薩對有來乞者皆施與之，不邪視、忿恚，懷恨而行布施，隨其所有而施與之，不得遲疑而生慳悋，於所愛物皆不生慳悋而施，不生一念追悔。

慈氏菩薩啟問：轉輪王擁有七寶千子，五欲自恣，云何修習布施？

佛答：應作二種思惟：1·思惟過去諸佛難行之行，及佛菩薩所有教法。五欲勝樂，皆從妄計分別而生，猶如幻夢。若於五欲境不起分別，不生計著，何能障礙菩提心？2·思惟難捨能捨，從今身乃至成佛，誓以此身捨與法界一切眾生，所修福業，願與一切眾生共之。迴向無上正等菩提。

復次，菩薩當修空法，以觀空故，心得

自在，心不退轉，布施無有劬勞。

慈氏問法施

佛告慈氏：法施有三勝財施：1·財施有盡，法施增長無盡。2·財施現在利益，受法施者現在未來俱有利益，於無量世恒相隨逐，無人能侵奪，乃至無上正等菩提不相捨離。3·財施者，能施獲益，受者無益；法施者自他俱益，由聞法故發心速趣無上菩提。

云何少施而功德多耶？

以方便力少分布施迴向發願，與一切眾生同證無上正等菩提，以是功德無量無邊。

施有三種：1·少施，以飲食、衣服諸莊嚴具等而行布施，是名少施。2·大施，輪王所愛，后妃眷屬及己身，以施乞者。3·第一義施，能以身命而行布施，以無所得心相應。

布施的心態：非嫉妒、非畏惡名、非求恩德、非為名聞而作師長。為濟貧乏困苦，起大悲心，不擇怨親，財物多少。

布施的對象：有二種田：1·悲田2·敬田

如自持持戒多聞禪定智慧而行布施、輕慢他人、貪恚痴、寡聞、破戒而行布施，非淨施也。

若為布施互相嫉妒、鬥諍不和、譏毀乞人、施而追悔、希他人讚歎、或惡願而行布施，或擇日、擇時、擇人，如是施者，不名布施。夫布施者不求異報，不自求解脫而行布施，不厭退，不生疲倦心，否則但名布施，不得名為檀波羅蜜。

行無相施，若施一華一果，乃至施水一滴。而受持此經，乃至一偈一句，令他聽聞，經一剎那，所得功德無量無邊。若行施時，不能普為一切有情，迴向無上正等菩提，設以寶聚如妙高山，而用布施，利益甚少。

當發二種勝心：1·所有資財自性空，猶如陽焰夢想幻化。2·於諸有情起大悲心，手自行施，願與一切有情同證無上正等菩提。